

Vikufréttir

Vika 13 (25.03. – 29.03. 2019)

Mánudagur

Þriðjudagur

- ✓ Fjölbrautaskóli Vesturlands Akranesi kynnir starfsemi sína fyrir nemendum í 8., 9. og 10. bekk skólans, kl.10:00

Miðvikudagur

Fimmtudagur

- ✓ Sérkennarar og þroskaþjálfar hittast á fagfundi á bókasafninu kl. 14:30 – 15:30
- ✓ 2. bekkur fer í heimsókn á Landnámssetrið og skoðar Egilssýninguna.
- ✓ Nokkrir nemendur úr 7. bekk taka þátt í Stóru upplestrarkeppninni á Vesturlandi. Auðarskóla Búðardal kl. 14:00

Föstudagur

- ✓ Lota 4 í vali á unglíngastigi byrjar.
- ✓ Nemendur úr 8. -10. bekk taka þátt í Stærðfræðikeppni grunnskólanna. Fjölbrautaskóla Vesturlands Akranesi kl. 14:00

Annað:

Búið er að draga í síðasta lestrarátaki Ævars vísindamanns og ljóst er að met var slegið í lestri bóka þetta árið. Samtals lásu íslenskir krakkar 91.734 bækur á tveimur mánuðum, en foreldrar þeirra 5.904 bækur. Þetta þýðir að á fimm árum hafa verið lesnar tæplega 330.000 bækur í lestrarátökum Ævars vísindamanns!

Allir þeir skólar sem tóku þátt fá það í verðlaun að vera skrifaðir inn í síðustu bókina í Bernskubrekum Ævars vísindamanns, Óvænt endalok, sem kemur út í júní. Þá var dreginn út einn nemandi í hverjum skóla sem tók þátt og mun hann/hún fá áritað eintak af bókinni þegar hún kemur út. Nemandi hjá okkur, Sebastian Gísli Mathiasen, 2. bekk. var svo heppinn að fá áritað eintak og óskum við honum til hamingju.

Spakmæli: „*Raunveruleg auðævi hvers manns felast í því góða sem hann eða hún lætur af sér leiða.*” - Spámaðurinn Múhamed

Skóladagur í Borgarbyggð.

Allir skólar í Borgarbyggð efna til opins skóladags laugardaginn 30. mars. Sýningin er haldin í Menntaskóla Borgarfjarðar og er opin 13.00 – 15.00.

Margt forvitnilegt verður að sjá og hægt að kynna gróskumiklu skólastarfi allra skólastiga í Borgarbyggð. Skólar kynna starfsemi og samstarf sín á milli með fjölbreyttum hætti. Bodið verður uppá bíósýningar, Lubbastundir og söngstundir fyrir gesti og gangandi. Undirskrift samstarfssamnings

Í vetur hafa leik-, grunn-, mennta- og háskólar í Borgarbyggð undirbúið samkomu sem hefur hlotið heitið Skóladagur í Borgarbyggð. Markmiðið er að gera eitthvað skemmtilegt og gagnlegt saman. Lögð er áhersla á þýðingu skólanna í samfélaginu og kynna skólastarfið.

Unnin hafa verið verkefni þvert á skóla í vetur vegna þessa en einnig eru kynnt verkefni sem verið er að vinna að innan einstakra skóla.

Hér er um að ræða skemmtilega blöndu af skemmtun, fróðleik, boðskap, umræðum og öllu því sem gæti gert daginn áhugaverðan fyrir þátttakendur, aðstandendur og gesti.

Smiðjuhelgi 5. – 6. apríl

Nú í vetur verður valgreinum í unglingsdeild mætt að einhverju leyti með smiðjuhelgum. Nemendur eru einum tíma skemur á viku í skólanum en viðmið gera ráð fyrir, en í staðinn vinna þeir með þessum hætti eina helgi á önn. Smiðjurnar verða haldnar tvisvar sinnum á skólaárinu, fyrir og eftir áramót og eru ætlaðar nemendum á unglingsstigi.

Tilgangur smiðjanna er að mæta vali fyrir unglingsana með öðrum hætti en almennt tíðkast og gefa þeim kost á að hafa meira um val sitt að segja. Nemendur setja fram hugmyndir sínar um það sem þeim finnst áhugavert og langar að hafa í vali. Unnið er út frá þeirra hugmyndum og leitast við að bjóða smiðjur sem flestir hafa áhuga á hverju sinni. Þegar dagskrá liggur fyrir sendum við út valblað sem nemendur fylla út og skila til okkar.

Fyrri smiðjuhelgi vetrarins var haldin 5. og 6. október og tókst hún mjög vel. Næsta smiðjuhelgi verður föstudaginn 5. apríl og laugardaginn 6. apríl. Unnið er í smiðjum frá 14.30 á föstudegi til kl. 18:30 og síðan frá 8:30 til 14.30 á laugardegi. Nánari upplýsingar um tímasetningu og hvaða smiðjur verða koma þegar nær dregur.

Útgefandi: Grunnskólinn í Borgarnesi.

Ábm.: Kristín M. Valgarðsdóttir